



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU **STRANKE PRAVDE I POVJERENJA**

Broj: 03-07-6-594/18
Sarajevo, 13.08.2018. godine

SADRŽAJ

| | |
|-----------------------------------------------------------|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 4 |
| Predmet pregleda i kontrole | 4 |
| Cilj pregleda i kontrole | 4 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI | 5 |
| 5.2. PREPORUKE | 6 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke pravde i povjerenja za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2016. godine, utvrđeno je da je Stranka pravde i povjerenja prekršila odredbe člana 12. stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke pravde i povjerenja za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka pravde i povjerenja se finansirala iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--------------------------------------------------------------------|--------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 50,00 | 100,00 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 0,00 | 0,00 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 50,00 | 100,00 |
| II | Ostali prihodi i drugo | 0,00 | 0,00 |
| | Izvori finansiranja (I+II) | 50,00 | 100,00 |

U godišnjem finansijskom izvještaju stranka je iskazala rashode u ukupnom iznosu od 117,09 KM.

2. PREDSTAVLJANJE POLITIČKE STRANKE

Naziv političke stranke je Stranka pravde i povjerenja. Skraćeni naziv stranke je SPP.

Stranka je registrovana kod Kantonalnog suda u Sarajevu, rješenjem broj: 065-0-F1-13-000002 od 16.04.2013. godine.

Sjedište stranke je u Mostaru, ulica Bleiburških žrtava 31d.

Lica ovlaštena za zastupanje stranke su: Živko Budimir, predsjednik, Ragib Hadžić, zamjenik predsjednika i Mile Andrić, dopredsjednik.

Lice ovlašteno za podnošenje finansijskih izvještaja za 2016. godinu je Živko Budimir.

Prema podacima iz godišnjeg finansijskog izvještaja za 2016. godinu, Stranka pravde i povjerenja nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke pravde i povjerenja za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Stranke pravde i povjerenja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila reviziju i kontrolu godišnjih finansijskih izvještaja Stranke pravde i povjerenja za 2014. i 2015. godinu, nakon kojih su izdati izvještaji o reviziji sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja za 2015. godinu, izdat je izvještaj o reviziji sa mišljenjem revizora, nalazima i preporukama stranci da vodi evidencije o primljenim priložima i izdaje potvrde o primljenim priložima, da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Stranka pravde i povjerenja prekršila je odredbe člana 12. stav (4) i stav (5) Zakona o finansiranju političkih stranaka.

Stranka pravde i povjerenja nije pravilno popunila obrasce godišnjeg finansijskog izvještaja, nije dostavila potvrdu za primljenu donaciju od fizičkog lica, izvještaj nije podnijela u zakonom propisanom roku i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka i odredbe člana 6., člana 11. i člana 12. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- (1) Stranka je na obrascu 2 (Pregled prometa svih transakcionih računa političke stranke) finansijskog izvještaja iskazala početno stanje u iznosu od 67,09 KM, promet ulaza u iznosu od 50,00 KM, promet izlaza u iznosu od 117,09 KM i saldo na dan 31.12.2016. godine u iznosu od 0,00 KM. Kontrolom prometa transakcionog računa stranke, utvrđeno je sljedeće: početno stanje u iznosu od 67,09 KM, promet ulaza u iznosu od 50,00 KM, promet izlaza u iznosu od 112,40 i saldo na dan 31.12.2016. godine u iznosu od 4,69 KM. Obrazac 2 stranka nije popunila u skladu sa odredbama člana 11. Pravilnika.
- Na obrascu 2.1 (Pregled stanja blagajne) stranka je iskazala iste podatke kao i za transakcioni račun, odnosno prepisala iste podatke što ukazuje da navedeni obrazac nije popunjen u skladu sa odredbama člana 12. Pravilnika.
- Uvidom u obrazac 3 (izvori finansiranja) finansijskog izvještaja utvrđeno je da je stranka na pomenutom obrascu iskazala donaciju primljenu od fizičkog lica u iznosu od 50,00 KM. Za primljenu donaciju stranka uz finansijski izvještaj nije dostavila potvrdu, čime je prekršila i odredbe člana 6. stav (1) Pravilnika.

- (2) Stranka pravde i povjerenja je godišnji finansijski izvještaj za 2016. godinu, dostavila Centralnoj izbornoj komisiji Bosne i Hercegovine dana 24.05.2018. godine, tj. nakon zakonom propisanog roka.¹
- (3) Dana 19.06.2018.godine, Centralna izborna komisija Bosne i Hercegovine je Stranci pravde i povjerenja uputila Zahtjev za dostavljanje dodatne dokumentacije za 2016. godinu kojim je od stranke traženo da dostavi: Bruto bilans stranke na dan 31.12.2016. godine, Glavnu knjigu sa kompletnim analitičkim evidencijama stranke za period 01.01.-31.12.2016. godine, dokumentaciju o korištenju poslovnih prostora u 2016. godini (dokaze o vlasništvu nad nekretninama, ugovore o zakupu, odluke ili izjave), potvrdu za primljenu donaciju i kopiju Godišnjeg obračuna (završnog računa) za 2016. godinu.

Kako stranka u ostavljenom roku nije dostavila dodatnu dokumentaciju upućena je Urgencija za dostavljanje dokumentacije broj: 03-07-06-594-3/18 od 03.07.2018. godine.

S obzirom da Stranka pravde i povjerenja nije postupila u skladu sa zahtjevom i urgencijom Centralne izborne komisije Bosne i Hercegovine, odnosno nije dostavila traženu dokumentaciju, prekršila je odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Stranci pravde i povjerenja da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje dostavlja u zakonom propisanom roku,*
- *da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka i*
- *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR

U ostavljenom roku, Stranka pravde i povjerenja nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić

¹ U aplikaciji stranka popunila izvještaj dana 21.05.2018. godine.